



Universitätsbibliothek Paderborn

**De Vera Sapientia Virtvte Et Tranqvillitate Animi
Enchiridion DD. Evcherii Lvgdvnensis, Martini
Bracarensis, & Magni Wigonis, Antistitum**

Eucherius <Lugdunensis>

Martinus <Bracarensis>

Magnus <Wigo>

Monachii, 1639

Cap. XII. Vanitate Abreptum nescire, quid sibi sit vtile.

urn:nbn:de:hbz:466:1-10188

iaceat. Vide, quomodo auer-
sus à Deo intrâsti in hunc
mundum , inhiante ore ad
omnia, præter ipsum.

C A P. XII.

VANITATE ABRE-
ptum nescire, quid sibi sit
utile.

1. **B**eatus, qui eligit, vt se-
curè laboret. Hæc est
autem secura electio,
& labor vtilis, omnibus velle
prodesse , etiam eis , qui tuo
egere non videantur auxilio.
Tanto enim hi minùs agunt,
quod expedit, quanto pro-
prijs vtilitatibus videntur in-
tendere. Hæc est autem pro-
pria

pria vniuscuiusque utilitas,
omnibus velle prodesse. Hoc
autem quis intelligat? Qui er-
go propriam quærit agere
utilitatem, non solum nul-
lam suam utilitatem inuenit;
sed etiam magnum animæ
suæ detrimentum incurrit;
dum enim propriam quærit,
quæ nulla esse potest, à com-
muni repellitur; id est, à Deo.
Sicut enim omnium homi-
num vna est Natura, ita & U-
tilitas. Felix est omnis, qui
nihil vult, quod sibi prospicit.
Potest ergò homo velle,
quod sibi aut non prospicit, aut
obscurum? Utinam vel semel, in-
vitâ tuâ totâ, velis, quod ex-
pedit,

pedit, sicut volendum est ! O
misera sors , non posse scire,
quod obest.

2. Si interroges homines,
quare sint miseri, vtrum non
velint, quod sibi sit vtile ; an
quia non habeant, quod no-
lunt: respondebunt statim ,
quia nō possunt habere, quod
volunt. Hoc autem est dice-
re: illuminati quidem sumus,
& bene , quid vtile nobis sit,
nouimus,& amamus, sed in-
firmamur. Quod falsum est.
Quis enim omnium diligit a-
liquid, quod eum facere po-
test meliorem ? Nil optant
homines, quod non sit vilius
ipsis. Et quomodo id, quod
me-

melius, & preciosius est, ac
dignius, ex deterioribus, ac
vilioribus, & indignioribus
potest meliorari? Heu quot
sunt, qui agunt, quod volunt!
quam pauci, qui velint, quod
sibi pro sit adeptum! Et ta-
men quis vnquam poterit hoc
persuadere filijs Adæ? Quan-
do credentur non amare vti-
litem suam, cum parati sint
iurare, nihil se sibi mali opta-
re; & omnia, quæ patiuntur
in tot laboribus, propter suā
utilitatem se tolerare? Tan-
quam si dicas Idololatræ, quod
non colat Deum. Statim e-
nim insuliet, iurans se colere
Deum, & quanta in cultu e-
ius

ius expendat annumerabit; ipsūmque etiam, quem colit deum, digito demonstrabit. Et tamen non colit Deum: sed errore deceptus idolum pro Deo habet. Ita homines, sine dubio, non vtilitatem suam diligunt, aut volunt, sed quod errantes vtilitatem suam putant. Et ideo quidquid pro re tali, aut agunt, aut patiuntur, pro vtilitate se agere putant, aut pati.

3. Non autem vult, aut diligit vtilitatem suam, nisi qui Deum diligit. Ipse quippe solus, tota, & sola est vtilitas humanæ naturæ. Scriptum verò est: *Quoniam qui manet*

in

*in Charitate, id est, qui Deum
diligit, in Deo manet, & Deus
in eo.* Talis est ergo utilitas
humana, ut eam, nisi qui ha-
bet, diligere nemo possit: &
quæ à suo dilectore non pos-
sit omnino separari. Hoc ergo
ipsū, quod dicunt homines,
diligere se quidem utilitatem
suam (quis est enim, qui hoc
non sit etiam iurare paratus?)
sed eam non habere, hoc i-
psum, inquam, testimonium
est, eos aliud diligere, non
ipsam suam utilitatem. Ni-
hil enim aliud homini facie-
dum est, ut utilitatē suam ha-
beat, nisi diligere. Sed ipsi
homines conantur assidue fa-
cere

facere eam, quasi non sit; si-
cut pagani Deum. Nam si fo-
lus Deus vtilitas est hominū,
quo carere non potest, nisi
qui eum nequaquam diligit:
non facienda vtique est, cùm
sit æterna; sed tantùm dili-
genda. Hoc solùm prorsus est
totius miseriæ nostræ causa:
quòd scilicet vtilitatem, aut
non cognoscimus, aut non
amamus; aut non quantum,
vel sicut cognoscenda, &
amanda est, cogno-
scimus, & ama-
mus.

O C A P.